

寶應縣志卷二

建寘志

城池

宋嘉定間知縣賈涉請城寶應役興以憂去金人犯光州起涉竟前役淳祐十三年李庭芝復城寶應元至正十年僉院蕭成增築之包以甄周九里三十步廣二里二百六十步袤三里東南北三城門及三甕城三水門二十六年丙午明太祖定淮地指揮使華雲龍移之淮安北水門尚存遺址嘉靖三十四年倭內犯知縣廖言以建城請不果行三十五年詔動支鳳陽倉折糧銀二

萬兩江都縣湖灘租銀一千兩興工剏造議循舊址添西城門小東門同知唐維董其役築土城未竟三十六年五月七日倭寇突至民罹刀鋌死者千餘人公私廬舍悉燬巡撫都御史王誥卽舊址歛三之一先建四城門築土城三十七年知縣蔣遵正請包砌城垣防春汛撫按發鳳陽倉銀一萬五千八百兩給原派官耆築之民驚畏竄避紛紛巡撫都御史李遂以屬海防兵備副史劉景韶景韶至縣見瓦礫成峯居民落落歎曰無重累此一方民也令原派城一丈者助銀七兩官爲之修民乃歡呼舉手加額稱劉公活我劉又議淮揚二府助

發徒役并移使諸郡徵取物料九月興工明年四月告成城周一千四十餘丈高二丈睥睨高五尺城門五東曰賓曦西曰利成南曰來薰北曰斗拱曰小東門南北涵洞各一東水關一鐫臺八城成之日倭復犯民恃無恐南門稍偏於東知縣李淶改之直對城中街萬歷十三年知縣韓介塞小東門開小南門曰迎秀二十年知縣陳燿於城垣內築剛土盈丈崇禎九年知縣劉達改南關板牖甃以木石名躍龍關濬學河迴抱鬻宮繞縣治折入辰方塞東北隅水關移於東門曰利涉是時北水門已堙廢清康熙七年地震東南崩缺數處知縣孫

蕙修築二十七年北城樓圯知縣徐繼修建雍正九年知縣李松泰繕修嘉慶初西北城崩缺數十丈知縣許知璣請帑修未固旋圯舊垣隨之而隳道光十五年知縣唐汝明勸捐修補適朱冢宰士彥居憂在籍倡率捐錢壹萬九千餘緡鳩工庀材四月興工至十一月歲事各城門換裹鐵葉門限皆易以石又於五門內各建兵房一間兵役輪值以察奸宄四城門樓各塑關聖像小南門樓塑文昌像以錢二十緡贖東嶽廟田畀廟僧永爲朔望五門香火之資云後東門北偏北門東偏各崩缺數十丈北門樓亦傾圯無存皆不知年月光緒八年

九月知縣梁枚請帑修築並重建五門城樓宣統三年
六月大雨東南東北西北三處同時崩缺各數十丈迄
今未修僅以破碎甓甃堆砌不及舊垣之高舊塑神像
重建時撤去供奉田產亦失各門兵房則圯毀殆盡久
無兵役輪值矣
賜租亭在南門外運河西知縣徐獫邑人御史朱克簡
侍讀喬萊給事中劉黻等感頌全蠲康熙二十七年地
丁錢糧因建此亭今久圯

公署

縣治在城內西北隅嘉定橋西宋乾道元年知縣蕭德

棗建開禧後徙於橋東嘉定六年知縣賈涉遷復故址
元末兵燬明吳元年縣丞鍾元善創建工未竟洪武十
一年知縣劉維則完之後知縣方仲揚張壘余玠主簿
古澄相繼修葺嘉靖五年知縣聞人詮築垣牆十七年
知縣岳東升重修三十六年倭燬知縣馬仲芳蔣遵正
李瓚相繼重建清康熙五年知縣郎秉中乾隆四十
年知縣孫思庭嘉慶 年知縣王元佐並續修

大門三間
舊為鼓樓

三間倭燬改建儀門三間東西角門各一間公生明牌坊一座大堂三間捲軒三間
庫二間宅門三間舊為二堂知縣李楷題曰天符堂王元佐改為宅門三堂三間櫺
題曰玉雞堂四堂二間後堂五間儀門外土地祠二間署內土地祠二間東院廚房
六間西院幕房十二間會客廳三間簽押房二間書房三間門房六間耳房二間下
房二間大堂外東西書吏房共十一間值日房三間茶號房
三間馬快班房三間民狀班房四間簡房二間皂班房六間

監獄一所舊在儀門內東後徙於儀門外西

縣丞廨一所今坍

主簿廨一所今坍

典史廨一所更舍二處

六事興革碑亭在儀門東知縣耿隨龍建碑記略曰寶應在成化正德間土沃

歲穰為江淮望縣戶口至八萬嘉靖辛亥淮決劉伶臺自是歲多水患飢饉頻仍至隆萬間極矣里長以包賠覆家百姓以徭役廢業差日煩田日荒民日貧爭訟盈庭流離載道里遞疲敝城野蕭條戶口不滿二萬萬歷丙戌淮又決范家口歲復大侵邑侯耿公至進父老庭下訪便宜父老叩首感泣不能對公殫思竭慮日求去害興利每飯未嘗忘也凡三十四里弊當革者無不革利當興者無不興勞者息肩飢者鼓腹鞭箠不用賦稅爭輸邑乃大治戊子冬公以入覲行士民請於總督舒公以興革六條勒之貞石舒公具如請又下其事為揚州十屬法一革坊長里長縣四坊三十三里坊長辦公私酒筵及察院鋪陳器物縣堂公廳等項每長歲津貼銀百兩里長有收解條鞭櫃頭之費每長歲津貼五十六兩耿公以四坊改四里革里長條鞭銀令花戶依限自納公費支正項又革燈夫三十四名共計省費二千餘兩一革廩

寶應縣志 卷二 公署 四 建實志

頭廩阜縣三十四里里長六十八名分上下五甲今年應里長明年應廩頭每年津貼銀七八十兩為補賠逃糧及常例費又每里僱廩卓一名工食銀七兩二錢耿公革廩頭廩卓令花戶赴倉自納官徵官兌歲省津貼銀千餘兩起兌計米七千五百餘石向以廩頭徵收雜以糠糶致官旗刁措每百石加耗米十石公親行比驗無糠稻等弊止加耗米三石四斗歲省三百餘石一革里夫修濬河工自淺夫外派夫二百四十名或半給工食或不支給民苦之耿公悉行裁革凡遇修濬河工俱請官銀募夫歲省不啻千餘兩一革耆民縣築砌河隄採辦物料僉報有力之家名曰耆民大約領官銀一兩有賠三四倍者耿公將耆民簿籍當堂焚燒凡修砌三里湖口隄及兩岸土隄諸大工歲修各工令河官自行採辦所省不可以數計一革官農縣路當衝要往來迎送官吏俱僉點市人充役多至七百餘民耿公以解差甲首三十四名內摘十六名每名工食銀七兩二錢常用應役歲省市民之費又數百餘兩一開墾荒田凡逃民之業例應百姓佃墾耿公以有糧有主之地人多疑畏不敢佃種因請於撫按凡荒田不願為業者報官為官田願佃墾者告給印信永遠為業自是人無疑畏而開墾者多矣

鐘樓在大門左知縣韓介建

申明亭在縣西知縣陳可大重建康熙二十九年知縣

徐璉重修

察院在縣東明洪武十一年知縣劉維則建知縣聞人
詮徐祺增建正堂後堂過軒廚房儀門前門知縣鄧繼
曾又廣堂後地建靜觀亭燬於倭萬歷六年知縣李贊
重建康熙二十六年知縣徐獫重修後巡按缺裁屋漸
傾圮止存正堂三間改爲社倉今亦圮

接官廳三間原在西門外皇華亭牌坊一座鼓樂亭兩
座後移建於南門外躍龍關南久圮祇存基址一方

南鐫樓在南門外崇禎十一年知縣劉遠建康熙二十
七年知縣徐獫重修道光十二年知縣盧元良重修

槐樓巡檢司在縣南二十里洪武二十九年巡檢董閣

建今廢司官駐汜水鎮

衡陽巡檢司在縣西南一百二十里嘉靖六年知縣聞

人詮修今圮

僧會司

以下俱
無廨舍

道會司

陰陽學

南門外舊
有廨今廢

醫學

商會在東門大街清光緒三十一年由鮑友恪等稟設

商務分所三十二年稟改商務分會會中條規悉遵農

商部頒發商會法每年經費由入會會員及鋪戶擔任

農會在東門街光緒三十四年由商會稟請試辦宣統元年成立會中謹守農林部頒發規程每年經費由入會者及各業戶公籌

地方自治會在學宮內宣統三年設

警察局在寧國寺內光緒三十二年設

電報局在城南門外光緒三十年郵傳部加設界首鎮

宣統二年邑人呈請移設

郵政局在城內大街光緒二十五年初設信櫃二十九

年改設郵局

康熙志載監庫三間庫樓三間今皆改易又寅賓館

寶應縣志

卷一

公署

壇廟

六

建寅志

三間

在儀門外之東

以及北鏞樓榜亭旌善亭聖諭亭工部分

司預備倉府館稅課局河泊所惠民藥局

昔縣署中於夏秋之交例

施瘡痢丸散猶其遺意後無之矣

小館駟夫廠南湖館北城館久已圯廢

基址莫辨疏其名於此以誌遺蹟

道光志

壇廟

文廟

見學校

社稷壇祀社稷之神春秋二仲上戊日有司官致祭

壇在

縣治北門外運河西明洪武八年知縣戚順建二十三年知縣方仲陽修其壇北向方濶二丈五尺高三尺塔三級垣周一百二十步無屋宇有四門由北入壇上近南

有石主長二尺五寸方一尺埋入土過半神廚庫房齋房宰牲房各三間俱圯知縣徐祺韓介先後重建後俱燬康熙二十三年知縣楊廷棟重修今復圯其縣社之神

縣稷之神兩木主在西壇即運河西之隱真道院

風雲雷雨山川壇祀風雲雷雨山川及城隍之神春秋

二仲上旬有司官致祭

壇在南門外東南去縣治一里明洪武八年知縣戚順建二十三年知縣方仲陽修其壇南向

制如社稷壇由南門入無石主屋圯知縣徐祺重修又圯知縣韓介重修又圯康熙二十七年知縣徐獫重修查舊址南北十一丈八尺東西三丈三尺近為民居僅存

南北五丈五尺東西三丈考洪武十四年始令府縣祭山川諸神總名山川壇以風雲雷雨居中主之境內山川及城隍配山川左城隍右俱木主今俱圯祇存風伯

雨師兩木主在泰山殿梳妝樓西廡內主僧即稱為風雨二神祠

先農壇祀先農之神開耕日有司官致祭清明後逢亥

日亦祭

在東門外本教場地雍正四年改建道光十二年知縣盧元良重建今圯

北斗壇祀司雨之神夏四月擇日有司官行常雩禮致

祭

在北門外

厲壇祀邑中無祀鬼神以春清明日秋七月十五日冬

寶應縣志

卷二

壇廟

七

建真志

十月朔日致祭先期有司詣城隍廟告文仍迎城隍神

至壇上主祭竟日還廟

壇在北門外東北去縣治一里明洪武八年知縣戚順建二十三年知縣方仲陽修其壇南向

高二尺五寸方闊二丈五尺垣周三百五十步膳房二間庫房一間石碑一座後圯順治三年李楷重建城隍行宮三間前門三間甬道石碑現存鄉厲壇二十三處

在各鄉明洪武八年知縣戚順建今俱廢

城隍廟祀城隍之神

在縣治東南隅明洪武四年知縣王驥建永樂十二年知縣王友壬修其後縣丞陳暈重修天順間

知縣李仲重建其後知縣聞人詮李瓚韓介陳燿俱重修考明洪武初封縣城隍為忠佑伯歲無常祭惟春秋二仲

上旬附祭於山川壇春清明日七月十五日十月朔日

主祭於邑厲壇其水旱祈禱及官司蒞任朝覲考績皆

設特祭

又考祭典禮節春秋祭及五月十五日聖誕共三祭

文昌宮祀文昌帝君春秋二仲及二月初三日聖誕有

司官致祭

在縣治東北隅本知縣王全春生祠康熙間改建書院大堂曰菜根堂秀水朱檢討彙尊謙題後不果成有僧居之奉文昌於中而移其額於後堂自城東建書院始懸此額於畫川此地遂永為僧院矣知縣徐獮置赤水澗願田二頃又有文昌祠在學宮內

關聖帝君廟祀漢壽亭侯春秋二仲及五月十三日聖

誕有司官致祭

在縣治北門外舊名祈穀壇明嘉靖十年建咸豐辛酉年邑人朱士端吳恭壽偕僧原本募修胡岱巖施河西田十三畝

縣土地廟

在縣內明嘉靖二十三年邑人陸原乙建有司歲以春秋二仲上旬及縣官初蒞任日致祭

獄神祠

在獄內春秋二仲及四月初六日六月二十三日共四祭

馬王廟

在安平驛馬號內春秋祭及三月初六日六月二十三日共四祭

劉猛將軍廟

在城東舊名太平庵正月十三日冬至後三戌日六月十五日聖誕共三祭 劉猛將軍神像舊在南鏞樓乾隆年間移奉於此屋宇卑隘不稱道光丁酉戊戌以來江南北蝗不為災大吏奏請御書福祐康年扁額以答神貺知縣劉光斗勸捐重修並恭摹賜額懸於神座上外建大門戲臺觀瞻始肅

都天廟

在運河西岸咸豐年間捻匪作亂西都天大帝顯聖本邑紳士吳恭壽等聯名請詳轉奏加六臂明王同治七年經紳士朱士端等呈請漕憲奏准加封護國二字每逢五月十八日有司官致祭

呂祖壇

在北門外北斗壇四月十五日八月十五日共二祭

火星廟

在南門外宏濟牖東明萬歷二十三年建河督麟慶重修六月二十三日聖誕致祭

大王廟

在南門外即離明宮萬歷三十一年建同治年間僧恆修募修春秋及九月十七日聖誕共三祭

龍神祠

在南門外後街春秋二祭

二烈士祠祀漢東郡太守臧洪東郡丞陳容春秋有司

官致祭

舊在城西門內清順治十八年推官王士楨增修後圯嘉慶年邑人湯瀆移建官巷南道光十八年重修附祀鄉先生十人於側

范文正公祠

在縣治東年裔孫范之熊建春秋二祀

文丞相祠

在均師蛤拖溝南距城二十五里後改為普善庵

李襄敏公祠祀都御史李遂

在西門內遂字邦良江西豐城人明嘉靖時倭寇東南揚州設開府重臣帝起

遂於家提督軍務兼巡撫鳳陽遂至鎮賊船不敢近明年復入寇遂登壇誓師殲之丁堰殲之西亭殲之馬邏廟灣七星港又殲之仲莊殲之鍋圍殲之劉家莊白駒場唐家堞前後斬首四千七百四十九級燔溺死者無算江南北晏然淮揚父老為建祠俎豆相望不絕先是寶應無城賊肆至肆鹵掠焚劫數議城寶應久不成出公帑徵諸道徒庸勑寶應城成賊復至民恃無恐皆曰李公活我建生祠於西門內後零都李涑令寶應請於督學御史得立祀典春秋祭焉

劉公祠祀海防副使劉景韶

在西城內邑人以景韶建城有功建生祠於鎮湖門內以知府石茂華知縣蔣

遵正陪祀

崇報祠祀工部尙書楊光巡撫都御史李世達巡撫都

御史王廷瞻巡按御史馬允登巡鹽御史蔡時鼎給事

中陳大科南河郎中許應達刑部主事羅用敬中河郎

中陳英海防副使舒大猷徐州副使莫與齊漕儲參政

寶應縣志

卷一 壇廟

九

建寅志

馮敏功

在宏濟河北報開越河之功也今圯

應公祠祀管河工部應存性

在北堤上存性字成之浙江仙居人以治堤工不役民夫因建祠焉今圯

姜公祠祀海防參政姜廷頤

在泰山殿

聞人公祠祀知縣聞人詮

在北門外即北城館改建今圯

李公祠祀知縣李瓚

在泰山殿西改建皇華亭北今圯

李公祠祀知縣李涑

原在北書院後并入泰山殿內清道光十八年移建官巷李公舊有墟像祠廢後在泰山殿西廡邑人湯

澹移建官巷二烈士祠因併移公像於此邑人劉光斗朱士端等倡捐築屋於烈士祠西專奉公像兩祠相通守祠僧並司香火

耿公祠祀知縣耿隨龍

在宏濟河北廟上關王廟右

劉公祠祀知縣劉達

即遺愛祠在南門外明齋侍御可聘撰碑

成恭恪公專祠祀直隸靈壽縣知縣成肇慶

清光緒二十九年奉旨勅建恭

恪子靜生捐資鹽運使程儀洛知縣朱士俊助成之祠在縣南中街鋪湯紹珉舊宅
改建計二十六間撥殷黃莊吉小塚廣福庵充公田四十二畝備祠中春秋祭費及
歲修之用安徽巡撫馮煦撰祠堂記

節孝祠 在畫川書院後戚家汪北清嘉慶四年重建道光十六年邑人王啓秀
倡捐重修光緒六年成森生施送宋阜莊田包租十四石五斗為修祭

需之

戚家婦祠 在節孝祠東明喬侍御可聘撰碑清道光十六年邑人王啓秀倡捐重修

烈女祠 在堂子巷街南祀喬潤聘妻郭氏王編修懋竝撰碑記烈女志有傳

道光志祀典寺廟二門似有漏舛若劉猛將軍廟大

王廟火星廟應列祀典而誤入寺廟兩都天廟則並

祀典寺廟遺之今志易為壇廟寺觀其非官祭之壇

廟而與壇廟同名城鄉皆有者俱劃歸寺觀俾知祀

典有專屬焉

倉儲

西倉在西門內倭燬明嘉靖四十二年知縣李瓚重建

清康熙二十七年知縣徐獫重修今久圯僅存基址北門

外舊有鹽城倉去城二里許今不知其處

積穀倉在東門內瑞芝橋東

惠濟倉在朱家巷東二程夫子祠間壁清同治九年邑

紳朱壽鏞就漕運總督張之萬幕府以所得修金移建

鋪莊

康熙志區里莊鎮分為二門蓋其時坊里之舊猶存若

莊鎮特村落之可名者其今則里圖之册僅有虛名而在城列爲九鋪在野編爲三十三莊凡邑之田賦勾管公事無不以此分隸者故並鋪莊爲一門而里圖之舊制著於簡端焉

錄道光志

康熙志在城四坊東西南北隅各一坊萬歷十四年知縣耿隨龍革坊長諸弊改四坊爲崇儉鄉四圖

三阿鄉四圖一圖在縣東門外去縣五里二圖在縣東北去縣二十里三圖在永甯鄉二圖東去縣七十里四圖在二圖西去縣二十里

永甯鄉二圖一圖在三阿鄉三圖東南去縣十三里二圖在一圖東北去縣三十里

寶應縣志

卷二 鋪莊

一

建寧志

軍下鄉四圖一圖在永甯鄉一圖南去縣四十里二圖在一圖東南去縣五十里三圖在二圖東去縣五十里四圖在三圖東去縣六十里

曹村鄉二圖一圖在二圖南去縣五十里二圖在一圖北去縣七十里

按各鄉凡第一圖俱云在某鄉某圖某方此獨互云一圖在一圖南二圖在一圖北似混疑有脫字

王野鄉四圖一圖在三阿鄉三圖東去縣四十里二圖在一圖南去縣六十里三圖在二圖東北去縣八十里四圖在三阿鄉三圖東南去縣九十里

孝義鄉四圖一圖在侯村鄉二圖東去縣六十里二圖

在一圖東去縣三十里三圖在一圖南去縣七十里四圖在三圖南去縣六十里

順義鄉四圖一圖在白馬鄉西去縣六十里二圖在一圖南去縣八十里三圖在二圖東北去縣六十里四圖在三圖東去縣五十里

侯村鄉二圖一圖在順義鄉二圖南去縣九十里二圖在一圖西南去縣一百二十里

白馬鄉四圖一圖在汜光湖北去縣三十里二圖在一圖北去縣十里三圖在白馬湖南去縣二十里四圖在三圖西北去縣三十里

按鄉里之名錯見於周禮鄉遂之目二十五家爲里萬二千五百家爲鄉此井田制也至管子所載五家爲軌軌十爲里則每里計五十家四里爲連連十爲鄉則每鄉計二千家已大改周官之法迨秦漢以來則皆以縣統鄉以鄉統里其詳於史者如老子楚苦縣厲鄉曲仁里人漢高祖沛豐邑中陽里人應劭曰沛縣豐鄉是也蓋阡陌旣開比閭鄩鄙之制不皆泥古後世所沿鄉小於舊而里大於前如唐定天下以百戶爲里里有正五百戶爲鄉鄉有長是已若夫以里爲圖則顧氏炎武引蕭山縣志謂改鄉爲都改里

爲圖自元始不曰里而曰圖者以每里册籍首皆列

圖故耳今圖書稱里老其說當必有據寶應舊區曰二阿曰王

野者皆鄉名萬歷舊志花榮三阿鄉人劉氏家譜劉氏王野鄉人曰四圖曰二圖者卽

里名曰在縣東若干里曰去某圖若干里則其地皆

有定址仍沿古制以縣領鄉以鄉領里圖而土田民

戶隸焉則所謂邱領戶也及明末丁口流離田廬荒

坍至清康熙年間民戶多所移徙非復土著而其册

籍未能隨時更易遂有居在邑而籍在野戶在南而

田在北者於是鄉圖之名徒存虛册寢久且失其故

處凡公事之所管轄賦稅之所催科在城改爲九鋪

在野更爲三十三莊蓋以縣領鋪莊之實戶而以鋪

莊隸圖里之虛名每圖下各有某鋪某莊花戶田糧名

則所謂戶領邱已其變制之始未能稽其歲時而詢

度所由有如此者今邑中文案結狀應用鄉約而猶沿襲隨意用某里老其實非同里古制矣茲故以

鄉圖舊制載於前而以九鋪三十三莊臚列於後用

紀今日之實云道光志按三十三莊道光年間已分泥甸杠橋爲二莊後又增中八伍中十五爲三十六莊建置年月俱佚

在城內外凡九鋪

縣前鋪在縣治左右鄉約一名地保一名

學前鋪在儒學左右鄉約一名地保一名

中街鋪在大街南鄉約一名地保一名

通湖鋪在南城內鄉約一名原有地保二名今一名

仲家鋪在東城內鄉約一名地保一名以上五鋪在城內

南湖鋪在南門外鄉約一名地保一名

北城鋪在北門外鄉約一名地保一名

通義鋪在東門外鄉約一名地保一名今一名

鎮湖鋪在運河西鄉約一名地保一名以上四鋪在城外

在四野凡三十六莊

松袁莊在縣北去城十里鄉約二名地保二名田高下適均皆腴產

龍首村在縣北去城十五里鄉約一名地保一名田同松袁莊

殷黃臺在縣東北去城二十里鄉約二名地保二名田大

寶應縣志 卷二 鋪莊 一四 建寅志

半膏腴稍遜松袁龍首

瓦溝溪在縣南濱溪去城十五里鄉約二名地保二名

田高下均平俱溫產膏腴居十之九

槐樓莊在瓦溝莊南去城十里鄉約二名地保二名田同

瓦溝溪

瓦甸莊在槐樓莊南去城三十里鄉約二名地保二名

田大概同槐樓莊

汜水鎮在瓦甸莊南去城四十里鄉約一名地保一名

田略同槐樓瓦甸以上北三莊南四莊田略相似居邑上等膏腴十之八九鮮旱澇憂壩水返漲所不及

小官莊在縣東南去城三十五里鄉約二名地保二名

田高下相半腴多瘠少返水則需圩保障

大官莊在小官莊南去城四十里鄉約一名地保一名

田同小官莊返水所至較少

蘆村莊在大官莊南去城五十里鄉約二名地保二名

田同大官莊近年圩田多改為高田稍畏旱

柘溝莊在蘆村莊東南去城五十五里鄉約二名原有

地保四名今減一名田略同蘆村東北為劣

相家旺在蘆村柘溝南去城六十里鄉約一名地保一

名田與蘆村柘溝相似

杠橋莊在汜水鎮南去城五十里杠泥未分時原有鄉

約二名地保二名今減約保各一名

泥甸莊杠橋分置在杠橋微南界首鎮北去城六十里

鄉約一名地保一名杠泥二莊田遜汜水返水亦所不及以上縣東南七莊田略相似居中上等腴田十之六七返漲或至或

不至近年瘠田十之六七矣

中八伍在杠橋泥甸東去城 里今設鄉約二名地保

名

中十伍在柘溝莊南右毗連中八伍去城 里今設

鄉約三名地保 名昔年與中八伍各設屯約一名歸

高郵衛治光緒二十八年裁衛官始入縣治以上二莊多高田畏旱

卞家灣在縣東去城十里鄉約二名地保二名田距城近者佳向東為次

均師莊在縣東南去城十八里鄉約二名地保二名田平

下腴瘠相半返水所至大半

兔避莊在均師莊東去城四十里鄉約二名地保二名

田間有高阜而圩窪較多返漲較均師更甚以上城東三莊下灣均師田相似居中等兔避又次之居中下等

獐獅莊在縣東獐獅蕩東西去城五十里鄉約一名地

保一名田平洋圩凹相間返水至則沒焉

白堞莊在獐獅莊南廣洋湖東西去城七十里鄉約二

名地保二名田略同獐獅莊

決溪莊在白堞莊南去城六十里鄉約一名地保一名

田同白堞莊

蘭亭莊在決溪莊東去城七十里原有鄉約二名地保

二名今減約保各一名田與白堞決溪相似

草積莊在獐獅蕩東去城五十里鄉約一名原有地保

二名今減一名田高中凹相錯返水至則俱沒

天平莊在草積莊東北去城六十里鄉約二名地保二

名田多墩阜高下相錯俗稱九里一平墩者在天平與射陽兩莊返水至亦鮮不沒

射陽莊古縣治在太平莊東射陽湖東南去城七十里

鄉約二名地保二名田略同天平莊

蜆墟莊在縣東北射陽湖西北去城四十里原有鄉約

一名地保一名今增約保各一名田多平洋有堤圩可保者或可禦返水以上自獐獅至蜆墟名

下八莊亦有腴產俱患返水田居中下天
平射陽蜺蟻三莊田較勝錯出中等焉

傅寺廟在縣西北運河西去城三里至二十里原有鄉

約二名地保四名今增鄉約二名減地保一名北近葉雲
隔河田多

高沙無水患居中上等南近湖者賴
圩禦湖漲圩潰則田沒居中下等

蘆臺澗在白馬湖西去城四十里原有鄉約一名地保

二名今增鄉約一名田多圩萊處洪湖壩
下每壩啓則田沒

丁甯莊在蘆臺澗西去城六十里原有鄉約四名地保

五名後增衛鄉約一名增地保二名今衛約裁撤復改

為六約六保地廣闊田多窪下處
上壩下游最易淹沒

白水塘在丁寧莊西去城八十里鄉約二名地保二名

寶應縣志

卷一 鋪莊

一七

建實志

後增衛約一名裁撤田同丁
甯莊

瓜山廟在寶應湖西白水塘南去城七十里原有鄉約

三名地保三名今減約保各一名田略同白水
而地較高

衡羨莊即衡陽鎮地在寶應湖西去城一百二十里鄉

約二名地保二名西近雲山地勢極高
田多虛薄湖水罕至

黎磨莊即黎城鎮磨旗墩在衡陽鎮東南去城九十里

原有鄉約三名地保三名今改為民鄉約二名衛鄉約

一名地保二名田西南高東北下
湖水亦至東界

時安莊在汜光湖西黎磨莊東去城七十里原有鄉約

四名地保五名今改為民鄉約五名衛鄉約一名地保

四名

地廣闊濱湖
港窪者易漫

汜西莊在汜光湖濱時安莊東去城五十里原有鄉約
五名地保五名今改為民鄉約五名衛鄉約三名地保

一名

地跨汜光湖田略同時安莊以上蘆臺至汜西八莊在長湖西高者苦旱恃
塘壩多藝雜糧下者畏澇恃隄圩埧漫則鮮收田居下等豐稔殆不易觀

右邑九鋪四野三十三莊各有分界相沿隸官而前

志不載豈其制尚定於康熙中年未易臆斷也前志

所敘村落與今各莊鎮相連綴如云城北曰松原

今作

松袁土城松岡在焉田兼高下平坡又北曰龍首村田

膏腴無旱澇憂又東北曰殷家莊黃陸溝臺墟莊附

焉地高沃種松竹桃杏暢茂

今亦罕有

城東曰卞家灣達

望直港田窪下水涸則耕種又東曰軍師

今作均師

兔避

大小官莊塘西埭焉田高下相半沒於水者荒草填

咽

今多壑關

又東曰獐獅蕩朱斗莊賈家林陶家林苗家

林楊舫溝附焉高者藝稻下者蒔藕

今猶然

漁莊蟹舍

相望又東接廣洋湖環湖而莊者曰喬塚易家莊白

鼠曰東西決溪曰南北鶴兒灣曰蘭亭廖徐莊形勢

與獐獅蕩等罹水患時則無高下遠近皆水又東折

而北曰蛤拖溝火盆蕩沙子頭甄家莊蜺蟪金吾莊

皆水田歲旱不涸

今小異

民藝稻者什三捕魚者什七

盡然夏藕花紅數十里

今亦然但白蓮多耳

又東北地勢寢高由江

平

今作天平

莊而東墩阜纍纍射陽鎮在焉射陽者古射

陂地縣故城也城南曰瓦溝溪白田附焉田高下各

半溪水由望直港入蕩又南曰槐樓瓦甸汜水杠橋

至界首鎮

交高郵界屬郵地

沿隄

謂運河隄

之田無旱澇憂由界首折

而東北曰相家荒

今曰相家莊

曰羊天莊達於柘溝郭家莊

趙家莊附焉

按篇內曰五溝溪白田附焉曰獐獮蕩陶賈家林附焉又曰達於柘溝郭趙家莊附焉則似莊村已有著名附列之不同

然如蘭亭規蠓瓜山衡羨又與諸村落平敘仍與今分莊未合

亦罹水患涸則種藝如舊又東

曰潼口寺地鄰蕩水故秋八月野鳧章雞之屬遮天

漫地來食稻穀

今亦不然

又北曰蘆村胥家莊蔡家莊石

家莊附焉田高下略如柘溝城西則諸湖所匯臨湖

而村者曰高家壩周家河孫家集新集

即古三角村

應家河

呂梁橋柏家橋鄒家河施家河展溝

今丁甯白水地

其洲浮水

面者

亦不盡然

曰花園莊張大夫港傅家嘴甫里寺艾塘

花溝蘆溝港其湖以西岡原縣巨者曰白水塘觀音

寺衡羨塘官路塘磨旗墩瓜山廟黎城永豐鎮仁和

集金釵澗銀溝集近湖者畏澇藝稻近岡原者畏旱

藝菽麥麻秫之屬其湖以東則港口紆折樹色參差

菡花彌岸漁舟到門網集夕陽之下皆前志所述錄

之以見風景依然今與昔不甚相遠云

又按每莊鄉保同屬官役而鄉約尚

近古之鄉者歲滿無過可請筭付頂戴士族中失業者間或為之至地保則旬當賤事實屬廝役猶在阜快之下其子孫例不准考試具有成案附辦於此與他省

里長保正名目迥殊
不容牽混道光志

街巷

城內縣前大街 學前大街 迎秀門大街 南北大

街 東西大街 自縣西至甯國寺東 東門大街 自魚市口至城門 城隍廟街

東嶽廟街 痘神廟街 魚頭街 西街 大石頭街

以上二街均西門內 小石頭街 朱家巷西 倉巷 西門內 朱家巷 縣署東 西察院巷 蔡院東北

東公館巷 甯國寺西 市巷 甯國寺東 馬神廟巷 在畫川西以上二巷均堙為民居 官巷 縣橋北

姜家巷 縣橋南 孟家巷 在便益門 堂子巷 新橋北 魯家巷 即盧家巷魚市口南 時家

巷 魚市口北 東三元巷 西三元巷 馬家巷 不見天井

巷 以上俱在甯國寺西 一人巷 新橋南 李府巷 魚市口南 東槐樹巷 在縣東 西槐

寶應縣志

卷十一 街巷 坊表

建寅志

樹巷 在縣西 包家巷 西門內 發財巷 南門內 賈家巷 儒學東南 申家巷

潘家巷 郭家巷 回龍巷 皆東門內 湯家巷 魚市口南 南門外

大街 後街 雞心街 羅巷

東門外大街 仲家巷

北門外大街 諭祭街 街去陳侯墓里餘明諭祭於此 東燈籠巷 西燈籠

巷 梁家巷 喬家巷 胡家巷 史家巷 井巷口

灣子口

坊表

兩淮衝邑 八寶名區 縣左 牧愛 縣前 戒石坊 縣儀門甬道中 崇正學

育真才 儒學左右 澤沛二江 皇華亭前 鼎甲坊 儒學大門前為清康熙癸未狀元王式丹康熙庚辰榜眼

季愈嘉慶壬戌探花朱士彥立上有聯博九萬四大大字順治間知縣王全春所書舊額

恩綸晉錫 四世一品

科第蟬聯

在縣橋東朱氏家祠前

百歲坊

俱在北門外一清乾隆四十四年為壽婦程戴氏立一嘉慶二十二年為

醫士吉履和立

孝子坊

在北門外清道光十一年為百歲翁吉履和子醫學心培立朱家巷路東有枋楔斷木存相傳為孝婦坊姓名無考

文昌宮前東西二坊

在大門外一書斗匡共仰一書珠氣常昭坊背一書筭樞六府一書瑞應三台道光十五年邑人朱

士彥建

城隍廟坊

陽書代天隲民陰書受命如響

天下第一名山

泰山殿大門前碧霞靈

蹟

泰山殿西運河隄上

三元都會府

運河西三官殿

旌表貞烈節孝總坊

在節孝祠前清

道光十五年邑人王啓秀倡建

城內外暨各村鎮節孝坊甚多不能枚數其年久圯廢無力修治者率移嵌原石於戚烈婦及節孝兩祠垣內外幾滿康熙志所載數坊今亦或存或亡自王

大令啟秀倡建總坊詳列姓氏其上續報者得以次鐫入而後可無絀漏誠善舉也至康熙志所載科名並節孝各坊今俱無存仍列其名於左

進士坊四

高照張拱張習張旦

聯芳坊

紹熙坊

張稷張燧

書錦坊 高鼎登

雲坊

趙啟秀坊

仲本仲棐

應期坊

冀綺

少方伯坊

范韶

獻納名臣

坊

李茂英經魁坊

王宗學

騎鯨坊

陳奎

際時坊

王頡

昭孝坊

二 蔣伍田繼祖

節婦坊四

仲旺妻鄭氏于朝宗妻張氏陸如岡妻仲氏陸如陵妻劉氏

烈婦坊

范邦佐妻張氏

此外有

符卿坊

春官坊

崇恭坊

崇泰坊

安仁坊

愛民坊

昭武坊

仁義坊

開泰坊

崇儒坊

科第坊

興賢坊

善慶坊

製錦坊

以上無考道光志

畫川勝境坊

在畫川書院前金壇馮煦重書陰面古縱俾園長沙曹廣植書

樂善好施坊

在朱家巷南首光緒十八

年為四川候補道朱念祖妻高氏立

節孝坊十

一在縣南街過街為儒童劉國翼妻王氏生員劉氏立一在發財巷以北為庠生喬津妻胡氏立一在范文正公祠東為儒童范補妻王氏儒童范儀鵬妻潘氏立一在福壽院後簷為乾隆辛卯舉人崇祀鄉賢劉台拱

一在堂子巷北為邑庠生朱耶繼妻仲氏立一在倉橋河邊張家巷為朱鑑妻黃氏立一在甯國寺街為馬兆魁妻周氏立一在白衣庵東為處士芮光鏐妻張氏立

貞節坊

為潘宗堯妻節孝張氏潘凌青聘妻貞女張氏立

賢婦坊

子坊

孝女坊

三坊相連在甯國寺街賢婦為贈資政大夫劉廷器繼妻胡氏立孝子為贈資政大夫六合縣訓導劉元浩立孝女為劉媛姑立

孝子坊

賢孝坊

二坊在北門外胡家巷內為孝子胡樹義胡樹滋胡靖廷賢孝胡劉氏胡潘氏胡陶氏立

上列皆續訪城內外坊表也其傾圮者亦多移原石

嵌於戚烈婦節孝祠垣至若村鎮坊表更僕難數據

所知者錄焉

寶應縣志

卷二

坊表

津梁

二二

建真志

津梁

嘉定橋

舊名孝儒橋在縣東跨市河唐尉遲恭建宋嘉定間改名明崇禎四年堤決衝頽十二年知縣劉達重修俗呼縣橋

廣惠橋

在儒學東橋二孔今止中孔通流跨市河唐尉遲恭建明崇禎四年圮十二年知縣劉達重修俗呼新橋以上二橋元夕燈光燭天爆竹震地十六夜婦女結伴走橋暗取橋磚歸以冀得子見名勝紀略

忠祐橋

在縣東南城隍廟前嘉靖四十年重建知縣聞人詮撰碑記

通濟橋

鄭綵書石碣今不存橋東西對築兩庵市河學河雙流滙折其下往來通衢不知其為橋也

玉帶橋

在縣西清順治二年建

水門橋

在北城

狀元橋

舊亦名玉帶橋在學宮前泮池兩碑

倉橋

在西門內清順治二年建

瑞芝

在東門內宋元豐二年建產芝五莖因名明隆慶三年邑人張元敬重修

愛蓮橋

在儒學西

鎮龍橋

在儒學東

在儒學西南俗呼為多子橋

昇仙橋

在甯國寺門西今祇高尺餘

嶽神橋

在東嶽廟南

張仙廟橋

在張仙廟

左

太平橋

在城東一在探桑溝一在龍首村即古飛虹橋與山陽同建

枕流橋

在北水門迤南灣斜臥之小瓶橋

是

水關橋

在城東

李府橋

在李府巷

齊壽橋

在東門小觀音庵東俗呼為龜兒橋唐上元間有金線綠毛龜出其

下故名今龍頭石橋在南門外便民橋在東門外俗呼氏便橋通海橋舊名

橋在北門外邑厲壇西在東門外俗呼氏便橋鐵橋在北門外邑厲壇東鄭牧建壽星橋在白歲坊西石橋一在城南

積白金建橋喬侍在汜水鎮南首迎秀橋在汜水鎮南首小磚橋在汜水後河邊王家大橋在汜水農夫朱國卿

一在子嬰廟河北與高郵接壤在天平莊欄杆橋在永安橋下平安橋舊名

南跨三王溝清乾隆年間建光緒年間重建在永安橋下嚴家大橋在白堞莊

遇仙橋在白堞陶家林跨成子河明成化年間建清光緒八年重修明處士陶澂遇仙於此故名遇仙後改今名

溝清乾隆三十一年僧廣林募建宣統二年重修在射陽莊南跨浮古凝瑞橋在射陽鎮北跨

三王溝明代建清宣統年間重修在觀音寺西古石橋在觀音寺西呂梁橋橋中有碑在呂梁橋鎮明代曰磚橋集鎮古板橋

在瓜山莊在時安莊清道光二十八年洪水衝圮越二年蔡花子橋在時安莊金釵潤東相傳有丐者欲建此橋人以籌款難之丐出數百金購木造作三旬歲事問其姓曰蔡諭數月無疾而逝至今傳為蔡花子橋廣

寶應縣志 卷二 津梁 園圃 一三三 建 宣 志

嗣橋在黎城鎮高郵商人陳錫位自購蘇石獨建

園圃

安宜園林相傳在縣治前百步唐儲光義有安宜園林見高使君詩

留吟齋在湖西羨塘元劉承務炎築

愛蓮池在狀元峰北舊志稱邑之前人有慕濂溪之風者鑿池學宮西自南涵洞引太湖之水注之波流灤洄廣數畝遍種蓮花且言學河由池折流而東

今學河在市河中築磯障水過使東流而池成平陸僅一橋存仍以池受名橋下之水蹄涔而已

選勝園仲通政蘭築高風山榮壽樓通政母鄭太宜人年八旬就養京師肅皇周太后嘉其節召見慈壽宮賜

琥珀念珠玉頂金根萬年枝杖通政歸乃築此樓

南園 啟祥樓亦仲氏築

近月樓在東門大街劉學博繼善築

馴鶴亭 朱處士
確築

張園 築人
佚

涇上園 在城北門內宋涇河
上朱參政應登築 環樓 香醉山 羅念庵
洪先題 白雲池 朱

干草堂 以下朱太守
曰藩增景 青棠館 山帶閣 水樂亭

逍遙館 在廣洋湖側朱
明經應辰築

射陂草堂 在射陽湖側朱
太守曰藩築

白蓮草堂 亦朱氏築在迎秀門河西窰溝口出湖五里得灘草堂在焉
四面皆湖目窮萬頃其下有荷花蕩可數百畝今名花園莊

鏡樓心 朱處士方中築
疑即草堂舊址

白雪樓 在湖西朱
方中築

蓼花莊 在湖濱吳
明經禮築

寶應縣志

卷二

園圃

二四

建寅志

潘家園 在城東門內潘學博煜如築煜如歿即葬此今名潘家墳 又有魯家
亭子在潘墳側小有結構貧後悉淪榛莽剩一小亭居之顏曰剩一亭

蕭家園 在城南門內
蕭南昌韶築

東原草堂 在良沙溝范
封翁奮築

娛永堂 范參議韶築今
南門內質庫是

飛虹閣 在湖上張
肖湖築

陳師仲園 見范之默
我有軒集

桐園 一名同園在宋涇河合流處李通政茂英築三面臨水皆駕重樓於其上疊
玲瓏石為山穿渠灌焉金鱗盈尺游泳其內山植木林甚衆絕佳者為黃楊

繡叢桂苑 淮南草堂 二花館 松軒 海月臺

品泉亭 慈竹寮 玉句洞 借隱室 外此有月榭暖閣牡丹
亭目不給賞亭榭花石

為一
邑冠

清隱園

在支川莊吳明經敏道築

嘉樹草堂

水影堂

月舫

清商

館 玉筍峯

養茗泉

染翰亭

雁石

一草亭

在范文正公祠東范明經之默築今為陶許二真君祠

萬綠軒

許別駕園

與劉氏漁山園鄰築人佚

蝴蝶亭

心遠堂

聽雨軒

竹溪草堂

在射陽湖濱李孝廉藻先築

柘溪草堂

在柘溝莊喬侍御可聘築

別有園

在柘溪草堂北亦喬侍御築荷塘百畝中有土邱築屋數間疊黃石為假山雜植卉木水廊十數楹曲折達草堂後

陶園

在城內官巷北喬侍御課子處古藤一株蔭覆其上後侍讀萊買宅城中與園止一巷隔侍讀歸田後築過街小樓通之賓客往來咸萃於此

醉

陶齋 容安堂

夢花軒

原名碧落軒侍讀弟子丹新植牡丹二株夜夢與二老談元因易新名

留

雲待月之樓

寶 應 縣 志

卷 二

園 圃

一 二 五

建 實 志

忍冬軒

在兔避莊大興梁以樟寓居所築

葭園

在兔避莊鄭處士在湄築

秋浦草堂

深柳堂

狎鷗亭

埭園

在湖濱陶處士澗築

漁灣草堂

篔成堂

東軒

在柘溝莊喬處士邁築

四本堂

歲寒堂

在城南門內亦喬處士築

環谿

在城東北隅朱處士爾遠築

琴臺

曲橋

芙蓉館

竹塢

木蘭

堂

鶴柴

梅花書屋

蓮塘

東城坳

喁園

張孝廉舉築

木侍樓

吾園

在柘溝莊喬訓導英築

真意堂

集虛亭

春嚶閣

秋崖讀書屋

在通濟橋北數十步朱江州公環樓之東朱明經克生築中植梧桂者曰秋堂堂東屋曰秋舫藏書處曰秋倉疊太湖石為巖曰秋

山又一室東西開牖曰秋軒軒東北小院竹所曰秋齋總名曰秋崖讀書屋自爲記

碧漲軒在城北朱訓導宗大築

巢園在應宿峯下陳貢士鈺築

縱權園在城東北隅即胡氏畫川喬侍讀萊築後改建書院今改建安官學堂 竹深荷淨之堂 吟

詩送老齋 剪淞閣 洗耳亭 回峯亭 津逮橋

背山臨流館 松盤 菊圃 香雪巖 古香亭 柴

門流水

喬侍讀家園在縣橋東住宅西偏今歸朱氏改名虧園 樂志堂 得此山房 老

樹齋 花浮閣 晚香樓 香雪亭 不波船

霜臯書屋在縱權園西王金吾世德寓居所築

寶應縣志 卷二 園圃 一六 建實志

西浦在運河西劉士典學築 湖上草堂 天鏡樓 柳橋

深柳讀書堂在縱權園西許園後趙太守開雍築

漁山園在深柳讀書堂西劉太守中柱築 再來閣

留雲堂在湖干又在官巷喬處士出塵築

梅溪在城南湯處士廷頌築 舒嘯亭

蠶亭胡茂才築

叢桂山房郭刺史昂築

陸舫在官巷喬處士尹度築 餐勝堂

奕園在縣橋東喬庶常崇烈之居崇烈爲侍讀長子所居即家園西偏 推任堂 來鶴樓 暄晚

亭 小卉庵 成三臺

藕花書屋

在漁山園中明經劉家珍築

螻堂

斗室

二安書屋

接萃園

劉鴻臚國敝築

養拙軒

在城隍廟街西劉處士中行築中行嘗書寵辱不驚肝木則寧調息寡言肺金乃全出入以靜心火自定澹泊寡慾腎水斯足飲食有節脾土不洩語以自箴查士標為書於軒屏

所好軒

半航亭

在宋涇河側劉學博中從築

燕堂

在市河合流處朱明經築

容齋

浮香亭

萬竹山莊

在東門外

傳香亭

環山閣

書樂齋

在北門外喬家巷俱喬大令兆棟築

水語山房

郭明經東築

吟松閣

鄭乾清築

結廬

在松袁莊王太守箴與築後其姪太守嵩高改題曰藉山園

愛日堂

天放草堂

木清

寶應縣志

卷二

園圃

二七

建寅志

閣 七十五梅樹溪堂

海山太守改題曰十三本梅花書屋今祇存花亭子名

陟瞻樓

藉

山閣

桂簌

津逮橋

臨漪亭

屏山

楓嶺

陟瞻樓以下皆

海山太守增築

困學堂

在東門外喬瑾築

秀野亭

在柘溝莊陸日藻築

碧梧翠竹山房

在朱家巷劉閣學師恕築

掬春閣

纒舫

虧園

在縣橋東朱冢宰士彥宅之西偏即喬侍讀故居

萬卷堂

聽雨舫

菜根軒

三阿草堂

小山亭

駟思室

在八寶亭西成處士孺故居

江北淮南一草廬

在城西北隅成氏望帆書屋之南劉贊勳築勳有草廬十二景詩

蕉園

在汜水紀家莊
邑人華枏築

玩月樓

茅亭

寒碧山堂

六宜草

堂

紅蘭山館

在城南蘆村鄔楊莊邑人居如棣築明
師益友賓主聯歡著有唱和詩集今圯

篠園

在縣南街邑人劉瑜築竹樹亭臺為一邑冠觀者
目之曰小洞天後歸寶應教諭部長濬改名西園

邀月軒

數颿閣

在北門外邑人
胡桂宣築今圯

留雲別墅

在蘆村鄔楊莊後河
邑人居鳳騰築今圯

倦雲草堂

在下灣三界村陸訓導
嶧築子陸寶庠增葺

隅園

在城東郭家巷盱
眙王觀察錫元築

晦廬

在東城外五溝溪上游泗
州沈直刺國翰築今圯

治園得水最難城東北隅空明一片昔與市河通流

寶

應

縣

志

卷二

園圃

寺觀

一八

建 實 志

舟楫不絕名流韻士競於此營觴詠地若城外四鄉
或誅茅蓋屋或編枳為籬良時勝集一棹往還亦足
怡情由唐迄今千有餘歲遷流已極即溯自元明亦
歷數百年之久其中園圃有不能指其遺址者舊志
廣錄篇什冀不與池臺俱泯意至善也然非志所要
今從芟焉

寺觀

甯國寺

在嘉定橋東舊志作甯國教寺舊名甯國禪寺唐貞觀十一年僧無塵
開山明太祖吳元年僧德了重建洪武十六年分為三宗改名教寺永

樂十二年僧會法受增修嘉靖四十二年知縣李瓚四十五年知縣陳可大續修萬
曆十九年僧會慶聰修大殿四周用磚實砌又建通慧門迎仙橋寺西唐興寺洪武
二十四年併入 按甯國寺規模宏闊大雄之殿額為顏魯公書多精舍邑士讀書
其中入寺則書聲梵音洋洋可聽後為駐防兵寄寓穢褻已甚邑令徐璉嘗搆草舍

三十間於府館廢地駐兵冀復古剝舊觀後亦圯廢清道光丙戌大殿毀於火顏書亦亡

眞如寺 在縣治南百步唐寶應元年建今廢

永明寺 在北門外宏濟河西明萬歷四十年建邑人陳三善施西壇田三十五畝汜水田一頃五十畝魯家塚田二頃八十畝

龍竿寺 在射陽鎮唐大歷十年建初名文殊院有竹成龍形因賜名焉

潼口寺 在縣東南七十里即唐東壽安院宋改聖壽院今名潼口寺明喬侍御可聘撰碑

靈芝寺 在凌家河

淨居寺 在汜水

天宮寺 在鶴兒灣距縣六十里宋政和八年建

蘭亭寺 莊以寺受名距城八十里宋元祐中建清道光間改名禪院寺

甫里寺 在湖南距縣七十里唐天祐四年建

寶應縣志 卷二 寺觀 二九 建實志

護國寺 一在天平莊一在湖西時安莊距縣四十五里南唐保大十二年建今圯古鐵鐘石門鼓猶存

蜺螭寺 在蜺螭莊距城四十里

觀音寺 莊以寺受名在湖西距縣九十里

萬壽寺 一在黃騰溝一在汜水鎮北清乾隆十三年僧西林開山二十年僧方旭建大悲樓傳戒後漸圯敗衆檀信請僧圓孚住持孚住寺近四十年

清規再整殿宇一新償逋之外又增置田數處嚴立規條勒石寺壁道光年間僧澄溪契買寺南地基建上下廳及廊房數十間傳戒巡撫錢鼎銘賜真正菩提匾一方

光緒二十五年海山偕法徒宏道契買寺南地基建飯堂二十間傳戒

齊興寺 在磨旗墩距縣九十里南唐保大四年建宋乾德四年賜額康熙志稱梁武帝嘗讀書於此臺蹟猶存豈寺建於齊梁而修復於南唐耶俟考

羅漢寺 在天平鶴兒灣

種善寺 在汜水鎮胡祁建

關門寺 在汜西莊唐建今圯

海晏寺

在時安黎城東南吳姓建

起剪寺

在黎城鎮明初建道光間圮

清涼寺

在衡陽鎮今圮

東嶽觀

在白水莊簡氏施地倡建

泰山殿

一在晏公廟舊址明嘉靖四十年建一曰碧霞宮萬歷間河工成遣官祭告太后遣中官掛袍觀音閣隆慶二年建清順治間兵部左侍郎

李元鼎流寓寶應重修知縣李楷題大觀二字額筆法古勁可愛康熙二十一年燬知縣徐繼重建初元鼎重建時為次子振裕祈福勒八字於銀牌藏閣之巔燬數月

後李僕從從灰爐中得之完好如初康熙志載宏濟河未開以前官舫船到此入湖涉風濤之險皆恐懼祭賽以故香火繁盛香錢歲充水衡河成遂衰然歲首香會

遠近至者尚二千餘起今至者止百餘起而春旗綵仗十倍於前願田七頃九十四畝光緒四年僧顯臣開法派改叢林邑人朱百遵胡金淦潘敦禮潘汝楫同修殿宇

田畝數目均有案光緒九年四月初八夜三層樓燬十六年住持僧全餘重修督漕使者文彬重題曰大觀閣一在黎城鎮初建待查光緒庚寅重建一在丁甯呂梁橋

三官殿

一在汜水鎮一在蘆臺西明崇禎間建清同治五年僧覺慧重修一在西門外運河西一在黎城西今圮一在江平莊一在丁甯姚氏倡建一

寶應縣志

卷二 寺觀

三〇 建 實 志

在蜺蟻南河

大佛殿

在黎城鎮乾隆甲寅建

梓潼殿

在黎城

奶奶殿

在黎城鎮今圮

東嶽廟

宋紹熙元年建明洪武五年知縣王驥重建正統二年知縣刁駿增葺嘉靖十七年知縣宋佐重修清道光元年改題廟額下道光揚州府志

有湯世勳重修五字一在獐獅甄家莊一在白堞賈家林一在瓦甸莊一在時安銀溝集一在時安李家灣一在黎磨莊同治丁卯建一在衡羨莊唐建一在白水楊家

圩楊氏倡建

關帝廟

在南門外牆口運河東隄上清順治十年建耿臨耀等置瓦溝溪田二頃十畝李思政等置卜灣田四十畝一在東嶽廟東即廣福菴道光元

年改題廟額一在蜺蟻金吾莊一在汜西鎮一在時安莊一在瓜山應家集明時建清嘉慶初年邑人梁大銓重修光緒元年僧正如增修一在丁甯呂梁橋

東都天廟

在城內瑞芝橋西明嘉靖初年建清乾隆三十六年重建

城隍廟

一在射陽鎮一在汜水鎮清乾隆初年建道光十六年僧大舟重修光緒十七年二月燬於火僧琢如率徒仁餘募修王姓施柘溝田二十畝

朱姓施潼口寺田十畝成湯氏施徐家舍北新溝田百畝草田五十畝一在黎城鎮清康熙己巳建洪楊之歿廟燬邑人江受等重建宣統辛亥僧瑞峯與邑人涂金生

又創建前殿戲樓四間有正德古鐘一具

眞武廟

在瑞芝橋西明洪武六年建清乾隆間僧道光開山改名福壽院卞家灣願田三十七畝厥後中落僧法陝改造殿宇樓房遂成巨剎大殿迤

西房屋地方借辦公益東北隅園地亦假爲暫棲所一在大官莊僧中章重修改爲觀音禪寺一在黎磨莊一在衡羨穰墩取唐人建一在瓜山高家集明初建清嘉慶

六年僧法真募化重修一在丁寧莊由泗州衛九十伍伍長公積費建梁上懸鐵算盤珠大如瓜今亡

土地廟

在汜水鎮

大王廟

一在瓦甸河東一在覬城祁家舍一在白塚楊林溝一在白塚陶家林一在時安涂溝鎮清光緒丁丑舟子招朋達在湖遇險獲神祐風浪頓

平釀贊創草屋爲廟丙辰年僧昌郡募化重建瓦屋十數間一在黎城鎮光緒丙戌建

龍王廟

一在南門外明洪武十九年建清康熙二十九年知縣徐擬重修嘉慶六年王王氏同孫自秀施白塚田二十二畝一在黃浦橋一在城南十

寶應縣志

卷二

寺觀

三一

建眞志

里河隄上一在黃浦鎮一在黃陸溝一在黎城一在傅寺鄭家圩

火星廟

一在北門外即彭華宮初建待查清光緒二十一年僧存中重修一在東門外明萬曆元年建一在西門外運河西康熙二年建一在白塚王

通河一在汜水鎮一在杠橋莊一在時安銀溝集一在黎城街一在衡羨莊今圯一在瓜山應家集一在丁甯呂梁橋一在南港

湖神廟

在瓦甸河西與瓦甸河東之大王廟於清乾隆二十年春高宗純皇帝四巡江浙至寶應之瓦甸鎮風稍勁御舟暫傍運河西岸橋樑水地岸

上適有欒樹大合抱即以纏繞樹身數匝風旋定御舟前行奉勅建大王廟於河之東岸又於西岸勅建湖神廟回輦之日兩廟工告告成欒樹亦以白石爲闌禁人採

折崇埔對峙一水中流樹色葱蘢風恬波靜時時情愉悅乃純灑宸翰於兩廟賜扁聯各一副大王廟靈佑通津宣節雁諸湖功兼濟運往來資萬軀利在恬波湖神廟

滋流效順一鏡展平湖濤間波靜千帆緣曲岸柳外風柔御書墨寶二分大王廟一分本藏縣庫其湖神廟一分向蓮度神龕上道光十六年河督麟公慶題匾曰康澤

昭臨以兩廟向係欽工捐奉飭本汛主簿孔公傳坤敬加葺治欒樹石闌亦重新修整廟僧遂告以此一分墨寶野處荒僻不足以昭誠敬敬請遵大王廟例同藏庫中

孔公乃告諸邑令劉公光斗亦併移奉縣庫又於闌中補植欒樹數株土人至今猶稱爲欒樹將軍云

風神湖神廟

在白田舖嘉慶十五年建

二郎廟 在槐樓鎮 即清源祠

財神廟 一在通義舖亦名天寶寺舊制僅存廟三楹清光緒年間朱煥文等出資錢盧兩道士募建未成復由僧達寬朗禪師徒創修廟宇一新一在北門外一在射陽鎮一在蘆村莊

傅寺廟 在傅寺莊南 莊因廟受名

三山廟 在瓜山莊高家集 唐建清初重修

烈帝廟 在峴墟莊 明建今圯

晏公廟 在白塚 易家莊

堯舜廟 在決溪 喬家舍

王祥廟 在白塚東祀孝子王祥與鹽城分界清康熙年建

炳靈公廟 在兔避莊宋皇慶二年建

寶應縣志 卷二 寺觀 三二一 建寅志

甘羅廟 在江平莊

痘神廟 在甯國寺南明崇禎元年知縣李如玉建

野廟 在相旺莊 相姓建

萬壽庵 在賜租亭北清康熙二十八年知縣徐璉建又置江平莊田八十畝亭下有池週數十畝舊為邑宰打魚知縣孫蕙改為放生池有碑記今廢

白衣庵 在縣治東明萬歷四十五年建一在射陽鎮一在南門外東城根嘉慶年建清光緒年重修一在柘溝莊一在黎磨莊光緒辛丑年建

湧蓮庵 在魚市口清順治二年建橋左右兩庵半跨市河橋上覆屋名湧蓮庵俗呼為小橋庵

梅檀庵 在縣治後庠生張愷張松於順治十二年建

光明庵 在縣治東清順治八年督僧光明建僧苦行募修街道橋梁甚多

普濟庵 在北門外明萬歷二十三年建清乾隆十七年重建喬母某太宜人暨處士蔭訓導英等捐貲置瓦甸田一頃七十七畝知縣徐璉置黃浦桑

郎灣施茶柴田二頃四十畝又舊有王家莊田一頃六十畝二里溝田十二畝一在柘溝莊一在黎磨莊

九華庵

在北門外清康熙八年建訓導喬英施園地二十畝同治九年胡林森朱增福胡金塗等助僧覺真重修金龍四大王廟栗大王廟附

淨土庵

一在鐵橋口明萬曆三十九年崇禎年知縣劉達重建清同治年復修願田一頃六十四畝一在獐獅甯溝頭一在白塚楊林溝一在時安

鮮家注

文殊庵

在北門外清康熙元年建

廣嗣庵

在北門外明萬曆二十二年建願田殷家莊二畝一在黎城東南清初年白田草堂王氏建

蓮池庵

在城東明天啟七年邑人成於孔建於孔習靜養生甚合禪旨後高僧度愚焚修其中成處士儒亦曾棲隱原有願田槐樓七十三畝江平莊

九十四畝園地一百二十丈清王巖蓮池庵碑記略曰寶應縣東門外一里所有蓮池庵其創始為懶雲禪師甫草創殿宇宮室一切未備而懶雲物故繼來者無能竟工其後度愚禪師名昌智來自廬山卓錫吾土戒律精嚴參悟微妙都人士慕悅敬禮依歸日繁公論迎請住持此庵因開拓基址鼎新堂殿齋房禪室香積田畝莊嚴法相設立洪鐘大鼓接眾飯僧以舊荒僻廢刹頓成一邑大觀可謂盛矣非禪師誠心大力易易臻此余與禪師交二十有二年十餘年來遷徙流離今歸里乃省師耳

寶應縣志

卷二

寺觀

三三

建寅志

目所及今昔大殊作禮讚歎因念創業之艱慮後來繼居及子孫或不克嗣守或他人欲利其有肆欺侵陵請余為文勒碑垂示永久

地藏庵

一在南門外明萬曆二十七年建願田草積莊一頃二十畝園地十畝一在汜水鎮明末建清有朱姓兄弟十人公施成家莊清溪溝田五十

二畝光緒丁未年僧覺悟募化重修一在兔遊莊一在太平莊一在決溪朱家莊一在吉塚今圯一在黎磨莊一在時安莊周姓創建

一宿庵

即松園庵在南門外明隆慶五年建國師名石吼出其中願田卞家灣八十畝槐樓澗一頃八十畝附郭八十畝清道光年間僧雨南設鐘板

宣統三年僧天泉請藏經改勅建

普善庵

在南門外清順治間邑人李振先建振先艱嗣喜施與各寺觀多有布施一在軍師莊原名文丞相祠一在柘溝莊

觀音庵

一在東門外明萬曆三十二年建園地二畝清康熙二十五年僧紋玉設鐘板安單給眾今易庵名為寺一在小官莊道光時揚州興教寺方

丈海文駐錫其間重修廟貌邑人贈匾曰正心修身徒孫密行深得師衣鉢人亦信服一在南門外一在時安李家灣清初有道友十人醉心禪宗因夢集資同建又稱

十友庵一在黎磨莊光緒乙酉重建梁氏所倡一在丁甯莊馬氏倡建一在瓜山高家集乾隆二十四年梁氏倡建光緒元年重修一在丁甯仁和集一在時安銀溝集

一在瓦甸莊一在中十五一在杠橋一在蜆蟻林溪莊一在獐獅苗家林一在白塚孟家莊一在白塚陳家莊一在白塚魯家塚一在白塚嚴家大橋一在晏家壩一在

黃陸溝又蘆村二柘
溝二決溪二草積三

葦庵 在東門外清順治十四年兵部左侍郎
李元鼎建願田卞家灣二頃七十四畝

杯渡庵 在宏濟河西明
崇禎五年建

準提庵 一在宏濟河西清順治二年建僧入極者汪比部懋麟兄也美鬚髯善
飲喜文人往還陳貢士鈺過之有橋橫無葉樹門立有髯僧之句一在

寺傳

海臺庵 在界
首北

三曇庵 一在城北徐家橋東北明崇禎二年建未造庵以前庵基
時有雲氣上昇日凡三次故名一在殷家莊一在江家莊

盧家庵 在殷家莊土厚壤沃竹柏櫻桃
甚盛今盧氏拆移他處另建

華嚴庵 在從家洞坂下清嘉慶庚午大振僧重修後壽八十朱士彥贈匾
曰身似菩提又續贈匾曰妙蓮華界一在瓦甸莊一在相旺莊

太平庵 又名馬王廟在七淺運河堤上清道光十年暴風傾圮光緒初年王
吉兩姓重修上殿二十九年十方施主重修下殿一在軍師莊河東一

寶應縣志 卷二 寺觀 三四 建實志

在獐獅朱斗莊一在白堖戚家莊一在兔避莊一在射陽
鎮一在西決溪一在草積莊一在時安莊一在中十五

圓通庵 一在甯國寺南俗稱張奶奶庵清順治二年河南張氏避
難清修於此一在軍師莊一在白堖孫家舍一在太平莊

仁元庵 在獐獅
獅上莊

通聖庵 在獐獅
朱斗莊

萬緣庵 一在小南門外隄北一在丁鬻莊明末伍氏倡建一在傅寺一在蘆村
一在相旺一在獐獅楊暖舍一在蘭亭趙莊一在白堖陶家林一在丁

家舍
前

紫竹庵 一在一宿庵東清道光十八年僧昌瑞建一在射陽高夏莊本明尹氏
家庵清康熙五十二年改作十方招僧住持募修期月告竣庭生紫竹

故名一在瓦甸莊一在蘆村莊一在任家
莊一在白堖王通河一在白堖湯董莊

三元庵 一在白堖魯家莊一在白堖橋頭莊一在兔避前徐舍一在兔避陸家
莊一在射陽鎮一在蘭亭蕭莊一在蘭亭北廖徐莊一在大官莊一在

中八
伍

普福庵

在白塚 蔣家莊

祇園庵

在白塚 蒯家莊

福田庵

一在常春口南 一在太平莊 一在大陸莊 明陸士蒼建 一在傅寺三陽溝

復興庵

在白塚 昌家莊

福善庵

在白塚 周家莊

福緣庵

一在北城灣僧恆修募修 一在衡羨明初朱姓倡建 清康熙四十八年僧曉雲募化重修 一在白塚孟家莊 一在白塚易家莊 一在白塚姜家莊

莊

伴孤庵

一在鐵橋北 一在白塚白鼠莊 一在太平莊 一在西決溪 一在中十五 一在時安銀溝集

寶蓮庵

一在城東隅 清康熙四十年仲姓建 乾隆癸丑年重修 一在白塚章家莊 一在葉家莊

玉露庵

一在白塚嚴家大橋 一在丁家舍前 一在蘆村

寶應縣

志

卷二

寺觀

三五

建寅志

如來庵

一在兔避南 一在中十伍 一在丁甯 一在葫蘆橋

秋月庵

在兔避閣 河西岸

永福庵

在兔避

青蓮庵

一在黎磨莊 清順治庚寅建 旁有惜字社 一在太平 一在小官

極善庵

在天平

碧霞庵

在天平

毘盧庵

一在呂梁橋鎮 清道光年間洪水冲圯 光緒十七年尼僧覺厚施捨己田 復行募修 一在太平 一在蘭亭南堡 一在老塘溝東

極樂庵

在射陽鎮

寶林庵

在草積 丁家莊

普靜庵

在蘭亭 走馬坊

東來庵

一在天平莊
一在袁梁莊

西來庵

一在蘭亭南廖徐莊一在天
平一在楊家莊一在柘溝莊

華藏庵

在蘭亭
胡莊

從容庵

在通海橋北袁
氏家祠改建

十方庵

一在葉家莊一在王家莊一在
寶塔根前一在相旺一在傅寺

淨塵庵

溪河南岸山陽張
姓建今改十方

寶華庵

大新溝北季姓
建今改十方

閻家庵

劉家潭西閻氏
建魯氏重修

悟通庵

在南
門外

慈雲庵

一在城東隅一在瓦甸莊一在蘆村清道光十三年監生居庸同妻蔡
氏孫作猷作山作舟等施大官莊范家溝口田二頃八十三畝六分

寶應

縣志

卷二

寺觀

三六

建真志

海會庵

一在繆塘河南有王敦
敏題額聯一在瓦甸

碑亭庵

在北門外泰山殿東初建年月失考清乾隆
四十四年邑人劉茂溪住持僧行聰同修

延壽庵

一在北門外明崇禎年間邑人徐襟海建清乾隆五十二年十方重修
一在柘溝一在蘆台張家集一在槐樓本郝崇鼎家庵乾隆十九年建

並施田二十餘畝現住持僧徵
法尚能尊崇釋教維持庵產

東如來庵

在南門外清乾隆二十年尼僧朗
照建嘉慶十八年如昌如法重建

西如來庵

在東如來庵西清乾隆三十二年尼
僧朗照建道光九年如昌如法重建

普院庵

一在南門外東
城根一在汜水

法華庵

在東
門外

靜修庵

在東門內郭家巷同
治三年僧慧照募修

同善庵

一在杠橋光緒初年胡
錢氏建一在大新溝南

陳氏茶庵 在大新溝北
陳軍門祠西

雨花庵 在丁
家舍

陸氏家庵 在殷黃灣子頭後明萬歷年諸生
陸泮建清道光年裔孫嘉禧重修

印心庵 在胡
家莊

福興庵 一在丁甯莊清光緒初年季氏
倡建一在潘家莊一在瓦甸莊

萬善庵 在松
袁莊

小盧庵 在馬
路溝

來成庵 在松
袁莊

學田茶庵 在松
袁莊

王家庵 在松
袁莊

寶應縣志

卷二

寺觀

三七

建寅志

積福庵 在瓦
甸莊

常樂庵 在瓦
甸莊

接引庵 在瓦
甸莊

保子庵 一在瓦甸莊
一在黎城鎮

吳太太庵 在汜
水

仁聖庵 在蘆
村莊

潼領庵 在柘
溝莊

萬福庵 在柘
溝趙氏建

一草庵 在柘
溝莊

仁壽庵 在柘
溝莊

雙福庵

在丁甯孫家集

茶庵

在丁甯許氏倡建

保壽庵

在傅寺莊

龔家庵

在相旺莊

大雲庵

在小官莊

天仙庵

在小官莊

三聖庵

在中八伍

竹園庵

在杠橋莊

百子庵

在泥甸莊乾隆五年薛家祚施杠橋清水溝田二十一畝五分

落伽庵

在鎮湖鋪窰港口清乾隆初年薛德廣妻郭氏出資勸募建菴為尼法名明見壽八十有五

寶應

縣志

卷二

寺觀

三八

建實志

仙奶奶庵

在汜西莊

清淨庵

即古齊興寺康熙丁未重建更名

廣福庵

在黎磨莊康熙乙巳重建

竹林庵

在丁甯莊萬姓倡建

花園庵

在丁甯莊有古松二株歷千餘年

五印庵

在黎磨莊光緒戊戌重建

放生庵

在呂梁橋鎮道光年間洪水冲圯清光緒二十七年邑人集貲請僧隆果募建正殿續請五戒邱淨道經理又修兩廂挑濬放生池蒔藕養魚

足供游賞庵有願田數契惜皆瘠產

土地祠

一在縣治西百步明嘉靖二十三年邑人陸厚乙建一在宏濟河北橋上一在程氏百歲坊北一在白堞王通河一在呂梁橋鎮一在柘溪莊

喬可聘置相傳公就里塾屢有異徵故建神祠

二真祠 在縣治東明萬歷三十二年建祀陶許二真人

臧陳二烈士祠 在射陽鎮祠古久圯清宣統元年邑人偕龍竿寺僧改建於龍竿寺左

張仙祠 在魚市口東明萬歷十五年建

華真君祠 在縣城東南隅邑人劉中柱官臨淮教諭時獲請華元化真君符焚之神降乩書方濟人輒効清康熙二十八年中柱父登仕郎以

化建祠祀之一在時安銀溝集

葛仙祠 在黎城明初建今圯

二程夫子祠 在朱家巷清乾隆十四年裔孫程起昌建一在天樞道院內程模建

萬壽宮 在蜆墟顧家莊

關帝宮 在白水新集唐建光緒乙酉重修

離明宮 在井巷口東

彤華宮 一在縣治西北隅梅檀庵西一在林家莊一在望直港一在仁和集一在中港一在呂梁橋

三元宮 一在衡羨莊明建清乾隆間重建咸豐初年毀圯光緒乙未僧普慶苦志募化廟貌重新又增益之為西九莊第一大廟一在白水新集唐建

光緒甲申重修一在傅寺莊一在現墟仲下莊一在兔避莊

紀壽宮 在東門外僧行山開山清咸豐二年僧悟禪重修

天樞道院 一名內壇在小南門城根

擁蓮隱院 一名萬福壇在南鄉卜灣莊清光緒辛巳年郭維濟建

福壽院 一古名真武廟在東門內一在東決溪

海甯院 在兔避魯家莊

念佛堂 黃勝溝東

三官堂 在鐵橋口

中佛堂 在圓通庵內

北佛堂 一在井巷口有胡金塗碑記一在黃塍溝

眞宗壇 在中十伍清光緒時里人胡光烈等爲惜字紙埋枯骨而建

鬼神壇 在黎磨莊宋人建

西壇 在運河西卽隱真道院

北壇 在北門外卽道禪眞境清康熙乙酉年十方建立壇基南北十一丈東西十一丈范樹屏范述修施地一段南北寬五尺東西長十一丈梁姓

施秧田兩塊每歲包租叁石

南壇 在南門外卽青城庵

萬化崇壇 卽明善堂惜字社附在城西

舊志及府志載吳崇勝院唐唐興寺宋元妙觀臥輪

寶應縣志 卷二 寺觀 四〇 建實志

院北壽安院西壽安院興福羅漢院 今鶴兒灣有羅漢寺未知是否 福聖

院回鳳廟三皇廟洪山廟馬神廟天妃廟周宣靈王

廟 舊在南門外今移泰山殿東嶽樓下 董公祠 祀漢孝子董永 不獨殿宇無存抑且基

址莫辨謹誌其名於此至城內外及各村鎮僧尼所

居不下四百餘所不能悉載 道光志案今志徵訪蒐羅至三百七十餘所蓋以多施願田或助校費

不可以弗識前志所謂不能悉載者今幾盡載之矣

祠宇 附

朱氏家祠 甯國寺東 仲氏宗祠 安宜學堂西南 劉氏宗祠 劉猛將軍廟迤西 喬氏家

祠 姜家巷 成氏家祠 魚市口東 喬氏支祠 堂子巷 朱氏家祠 堂子巷 楊氏

宗祠 張仙廟西南 成玉音公祠 東門外蓮池庵內 朱文定公祠 嘉定橋東 朱方伯

公祠

縣南街石牌樓東巷內

張氏家祠

縣南街愛蓮橋西

王文勤公祠

東門水關河北盧氏

宗祠

南門外後街西首古鹽橋北

芮氏宗祠

城隍廟橋河南

朱氏家祠

南門外後街迤西

胡安

定公祠

北門外胡家巷

胡氏家祠

胡安定公祠內

王氏支祠

儒學迎秀橋西尋板橋西行小巷口內

刁

氏宗祠

東門外觀音庵東

刁孝子祠

刁氏宗祠東以上在城

胡氏家祠

一在太平鵝尚莊一在胡家口

成氏宗祠

一在胡季莊

成氏支祠

在邑南汜水鎮南首

苗氏家祠

在邑南柘溝東北越家莊

居氏宗祠

在蘆村鄔楊莊西首

華氏支祠

在汜水鎮紀家莊東首

錢氏宗祠

在瓦甸莊從家洞坂下

姜氏宗祠

在蘆村本莊

周氏宗祠

在蘆村南灣

相氏宗祠

一在相旺本莊一在柘東北相家莊

胡氏宗祠

一在柘西胡家營一在相旺莊

朱氏宗祠

在相旺莊朱家園

顏氏宗祠

在柘東顏家莊

胡氏墓廬

在柘西莊

朱氏饗堂

在城北松袁莊

喬氏饗堂

一在南鄉柘谿莊一在東鄉射陽莊

成

氏饗堂

在松袁莊蔡家橋南

成氏家祠

在東鄉決溪莊

華氏宗祠

在西鄉汜西莊

汪氏家

寶應縣志

卷二

祠宇

四一

建寅志

祠

在東鄉天平莊以上在鄉